

Namminersorlutik Oqartussani sulisunut ataasiartumik akissarsititsisarneq pillugu Kaajallaasitaq 16. juni 2020-meersoq

Siunertaq

Pineqartup atorfianni naatsorsuutigineqartut qaangerlugit sulisup angusaanut nersorinninnissamik immikkoortortat neqerooruteqarsinnaatinneqarnissaat kaajallaasitami siunertaavoq. Nersorinninneq tamanut saqqummiussinikkut Namminersorlutik Oqartussani sulisunik isumassarsitseqataaffiussaaq, kajumilersitseqataaffiulluni ineriartortitseqataaffiullunilu. Tassa imaappoq ataasiartumik akissarsitsinermut tunngavigineqartut pisullu aalajangersimasut tunngavigineqartut pillugit ammasumik pissusilersortoqassaaq. Tamanna tunngavigalugu ataasiartumik akissarsititsisarneq taamaalilluni suleqatigiiffiup immikkuullarissuuneranut immikkut ittumik ataqqinninnerusaaq, taamaammallu immikkoortortami sulisut amerlassusaat 10 %-imik qaangernissaat pisariaqassanani.

Ataasiartumik akissarsisinnaaneq

§ 1 Namminersorlutik Oqartussani, Qitiusumik Allaffeqarfimmi immikkoortorta qarfiinilu sulisut tamarmik ataasiartumik akissarsititsinissamut piukkunneqarsinnaapput. Sulisutut inuit sulisunut akisussaangitsut atorffimmi allaffimmi pisortatut assigisaannilluunniit appasinnerullutik sulisut paasineqassapput, taamaattoq takuuk § 6.

§ 2. Sulisup nammineq sulianik naammassisaqarnera imm. 2-4-mi piunasaqaatit naammassineqarsimatillugit ataasiartumik akissarsissutigineqarsinnaavoq.

Imm. 2. Sulisumit nalinginnaasumik naatsorsuutigisat qaangerlugit immikkorluinnaq sulianik naammassisaqarsimaneq.

Imm. 3. Sulisumit nalinginnaasumik naatsorsuutigisat qaangerlugit immikkorluinnaq angusaqarsimaneq.

Imm. 4. Suliassamik immikkut ittumik suliaraqquusaaneq qaangiuttoornermut pioreersumut uppersarneqartumullu qaangiinertut nalilerneqartoq.

Imm. 5. Pisut ataasiartumik akissarsitsinissamut tunngaviusut pillugit ilitsersuiffiusumik kaajallaasitamut ilitsersuusiortoqassaaq. Ataasiartumik akissarsititsisarnerit tunniunneqartarnerat kaajallaasitami siunertarineqartunut aamma Namminersorlutik Oqartussani soqutigisanut naapertuuttumik naapertuuttumik ineriartortinnissaat siunertaralugu ilitsersuut Aningaasaqarnermut Sulisoqarnermullu Aqutsisoqarfimmiit suliarineqarlunilu nutarterneqartassaaq.

Ataasiartumik akissarsititsinerup annertussusaa

§ 3 Ataasiartumik akissarsiat amerlanerpaamik 20.000 kr.-iussapput. Aningaasat tusindinngorlugit, tusindinillu qaninnerpaanut naatsorsorlugit, tunniunneqassapput.

Imm. 2. Ataasiartumik akissarsiaritinneqartut pensionisiassanut katersinissamut pisussaaffileqanngillat.

Imm. 3. Immikkoortortap ataasiartumik akissarsisitsinissamut periarfissai aningaasaqarnikkut killeqartinneqarput kaajallaasitamullu matumunnga ilitersuummi aalajangersaaffigineqarlutik. Ataasiartumik akissarsisitsisarnermut malittarisassat Aningaasanut Inatsimmi aningaasaliissutit ilaneqarnissaannik kinguneqanngillat.

Periuserineqartoq

§ 4 Ataasiartumik akissarsisitsinerit tunniunnissaat pillugit inassuteqarnermi § 2 naapertorlugu akissarsisitsinissamut allakkatigut tunngavilersuuteqartoqassaaq ataasiartumik akissarsiarititassat annertussusissaat taallugit.

Imm. 2. Inassutigineqartuni tamani pisortat marluk aamma ataasiartumik akissarsianik tiguisup atsiorderi ilanngunneqassapput. Inassutigineqartoq naalackersuisoqarfinni pisortaqaatigiinnit imaluunniit naalackersuisoqarfinni pisortaqaatigiit tassunga pisinnaatitaasuanniit akuersissutigineqassaaq.

§ 5 Ataasiartumik akissarsisitsinissamut tunngavilersuut akuerisaq Aningaasaqarnermut Sulisoqarnermullu Aqutsisoqarfimmut nalunaarutigineqassaaq.

Imm. 2. Aningaasaqarnermut Sulisoqarnermullu Aqutsisoqarfik akissarsisitsinerimut atatillugu ataasiartumik akissarsiarititassanik tunniussinissamik aallartitsissaaq.

Imm. 3. Ataasiartumik akissarsisitsinerit tunniunneqartut tamaasa tunngavilersorlugit annertussusilerlugillu Nanuaqqami nalunaarutigineqassapput.

Immikkut akuersissuteqarnissamut periarfissiineq

§ 6 *Imm. 2* naapertorlugu pisortaq immikkorluinnaq pisoqarsimatillugu ataasiartumik akissarsianik tunineqarsinnaavoq.

Imm. 2. Inassutigineqartoq atorsinnaassappat ukuninnga ilanngussiffigineqarsimassaaq:

1) Naalackersuisup Siulittaasuata Naalackersuisoqarfiani naalackersuisoqarfiup pisortaata atsiordera,

2) Aningaasaqarnermut Naalackersuisoqarfimmi naalackersuisoqarfimmi pisortap atsiordera, kiisalu

3) Aningaasaqarnermut Naalackersuisumut ilisimatitsissut § 4, *imm. 1*-imi piumasaqaatinik naammassinnittoq.

Atuutilerfia

§ 7 Kaajallaasitaq 1. juli 2020-miit atuutilissaaq.

Imm. 2. Kaajallaasitap matuma Namminersorlutik Oqartussani, Qitiusumik Allaffeqarfimmi immikkoortorta qarfiinilu sulisunut ataasiartumik akissarsisitsisarneq pillugu Kaajallaasitaq 19-05-2014-imeersoq atorunnaarsillugulu taarsissavaa.

Ulloq: 16. juni 2020

Naalackersuisoqarfimmi pisortaq Hans-Peder Barlach Christensen
Naalackersuisut Siulittaasuata Naalackersuisoqarfia

Aqutsisoqarfimmi pisortaq André Steenholdt-Guttesen
Aningaasaqarnermut Sulisoqarnermullu Aqutsisoqarfik



**Namminersorlutik Oqartussani, Qitiusumik Allaffeqarfimmi
immikkoortortaqrifiinilu sulisunut ataasiartumik akissarsisitsisarneq pillugu
Kaajallaasitamut 16. juni 2020-meersumut ilitsersuut.**

09-06-2020
All. nr. 13768725
Postboks 1039
3900 Nuuk
Oqarasuaat (+299) 34 50 00
Naqitanik nassitsigasuaat +299
32 44 48
E-mail: asa@nanoq.gl
www.nanoq.gl

1. Kaajallaasitami 16. juni 2020-meersumi § 2, imm. 5 naapertorlugu ilitsersuummi makkuninnga aalajangersaasoqarpoq.

2. Kaajallaasitami § 2-mi aalajangersakkat naapertorlugit pisut ataasiartumik akissarsisitsisarnermut tungaviusut tamakkiisuunngillat. Pisut kaajallaasitami § 2 naapertorlugu ataasiartumik akissarsisitsinissamut periarfissiissutaasinnaasut matumani assersuusiorneqarput.

Aningaasaqarnermut
Sulisoqarnermullu
Aqutsisoqarfik

Sulisumit nalinginnaasumik naatsorsuutigisat qaangerlugit immikkorluinnaq sulianik naammassisaqarsimanermi makku pineqarput:

- 1) Sulisup suliassamik isumaginninnermini immikkorluinnaq nutaalorsinnaassuseqarnermik imaluunniit aaqqissuussaanermi suliassanut tunngatillugu eqaalluinnartumik sulisinnaanermik paasinninnermillu takutitsinera.
- 2) Oqartussaasup suliassamik pisariitsumik naammassinninnissaanut suleqatillu akornanni sulianik nuannarinnilersitsinissamut isumassarsititsinissamullu sulisup malunnaatilimmik peqataanermigut sulerusussuseqartoqassasoq.

Sulisumit nalinginnaasumik naatsorsuutigisat qaangerlugit immikkorluinnaq angusaqarsimaneq ima paasineqassaaq:

- 1) Sulisup tunisassiornissamut ineriartortitsinissamulluunniit anguniakkanik aalajangersagaasunik ajukkunnani angusaqarsinnaanissaa angusanik pilersitsinissami assersuutaasinnaapput.
- 2) Suliassami pineqartumi assut nalorninartoqarfiusumi suliassamiluunniit inuiaqatigiinnut pingaaruteqartumi ajornakusoortumilu suliassamut immikkut ittumut atatillugu angusaqarnissaa.

Suliassamik immikkut ittumik suliaqaqqusaaneq qaangiuttoornermut pioreersumut uppersarnaqartumullu qaangiinertut naliliisoqartillugu.

- 1) Piffissami aalajangersagaasumi suliassat naammassineqarnissaannik angusaqarnissaaq pillugu immikkut tulleriarineq tunuliaqataralugu siunertaqarluni suliakkiisoqarsimatillugu.

- 2) Immikkut suliassinneqarneq sulisumut suliartoqquneqartussaataasumut tassaasinnaavoq immikkoortortami atorfinnik inuttaqanngitsoqarnerani sulinerunikkut pineqartup atorfik (nammineq atorfini) qaangerlugu pitsaasumik suliaqarnerujussuusimanagera.
- 3) Suliassinneqarneq piffissakkuutaartumik sivisunerusumik pisinnaavoq, piffissat suliartortarfiiit equngallutik ulluinnarni sungiusimasanut, kiisalu ullup unnuallu ingerlanerannut sunniuteqartumik.

Suliatigut qaffasissumik naammassisaqarneq ataasiartumik akissarsisitsinissamut namminermini naammangilaq, suliatigut qaffasissumik naammassisaqarnissaq pineqartumi isumaqatigiissutit naapertorlugit tapiissutitigut akissarsiaqartitsivioeremata.

3.Ataasiartumik akissarsisitsineq immikkoortortap aningaasanut inatsimmi akissarsianut aningaasartuutaasa annerpaamik 1 pct.-iinut killeqartinneqarpoq.

4.Kaajallaasitami § 3, imm. 1-imut aamma § 4, imm. 1-imut ilassutigalugu akissarsisitsinerup annertussusaa tusindinut qaninnernut ilivitsunngortillugu tunniunneqassasoq erseqqissaatigineqarpoq. Taamaasilluni »qaammammut aningaasarsiat affaasa annertoqataanik« annertussusiliineq naammangilaq. Kaajallaasitami siunertarineqartoq peqatigitillugu isiginiarneqassaaq, tamatumalu kingorna suleqatigiiffiup immikkuullarissuuneranut immikkut ittumik ataqqinnittoqassaaq, taamaammallu immikkoortortami sulisut amerlassusaat 10 %-imik qaangertariaqassanatik.

5. Immikkoortortaqaarfiup inassuteqartup inassuteqarnerup kalaallisut qallunaatulluunniit nutserneqarnissaa akisussaaffigivaa. Inassutigineqartoq Aningaasaqarnermut Sulisoqarnermullu Aqutsisoqarfimmu nassiunneqarpat oqaatsit marluk atorneqarsimassapput, taamaalilluni Nanuaqqami tamanut saqqummiunneqarsinnaassammat.

6. Inassutigineqartoq pisortanit marlunnit sulisumillu atsiorneqarsimassaaq, sulisullu nammineq atsiornermigut tamanut saqqummiussinissaq paasisimallugu uppernarsaassaaq.

Med venlig hilsen
Inussiarnersumik inuulluaqqusillunga

Michael Würtz
Direkte/toqq 346422
miwu@nanoq.gl